

ւորութեան վասն ազատութեան բանտարկելոյն, ասլտ զերծան 'ի ձեռաց նոցա :

Կրեաց Գարրիէլ վարդապետ յԱ.ք.քէ քաղաքէ առ Թէոզորոս՝ Թէ վասն ազատութեան Օթմանայ պահանջեն զ500 քսակս դրամոց . Լատինք ոչ կամեցան մերձենալ յայս գործ մասամբ իւրք . իսկ Հայք և Յոյնք առաքեցին զթարգմանսն յԱ.ք.քէ, և նոցա հասեալ անդ՝ խոտացան անթերի հատուցանել զգումարն, և ետուն մուրհակ օրինօք դատարանի ինքնընտիր Իսմայել Փաշայի՝ և հանեալ 'ի բանտէ ըզՇէյխ հաճի Օթման զաֆարճի բերին ընդ ինքեանս յերուսաղէմ և առաքեցին 'ի տեղի իւր : Եւ այս ծանրութիւն բեւին մնաց 'ի վերայ Հայոց և Յունաց : Թէոզորոս Պատրիարք կողկողանօք գրէ առ ազգայինս 'ի Բիւզանդիոն հասանիլ 'ի Թիկունս, զի չէր մնացեալ յոյս կենդանութեան յերեսաց կեղեքիչ բռնաւորաց . նեղութիւնք, տառապանք յափշտակութիւնք և այլ սոյնպիսի տարօրինակ իրք, զորոց երկար գրէ 'ի նամականիս իւր :

Իսկ ուխտաւորքն հասեալ 'ի կողմանս Գամասկոսի՝ վնասեցան 'ի զօրաց Տէպէ կոչեցելոց, և գերի վարեցաւ մանուկ մի 'ի նոցանէ (1804) :

Յաւուրս Թէոզորոս Պատրիարքի Խորենացւոյ յաջորդի Յակոբայ Նալեան, գնեցաւ արդեամբք վանաց Ս . Յակոբայ մեծ տունն 'ի Լաւողիկէ՝ և կարգեցին զայն հոգետուն 'ի պէտս ուխտաւորաց եկելոց ծովային ճանապարհաւ, և յաւելին միարանք և այլք 'ի նոյն՝ քանի մի տունս իրր կալուած հոգետան, արդեամբք նոցին պատասպարիլ տեսուչ վարդապետին : Եւ 'ի սմին ժամանակի Բղեշյան Լաւողիկեայ բռնացեալ 'ի վերայ հոգետան նատոյց զօրս, եւ տեսուչ վարդապետն փախուցեալ 'ի ձեռաց նորա մազապուրծ զերծաւ յերուսաղէմ . փակեցաւ դուռն եկեղեցւոյ, և ժողովուրդք տեղւոյն գրկեցան 'ի հոգեւոր մխիթարութենէ որպէս գրեն դառն գանկատանօք առ Թէոզորոս Պատրիարք, առաջի եղեալ նմա զտարագրիլն իւրեանց 'ի քաղաքէն, զքանդումն եւ զաւերումն շինուածոց հոգետան 'ի զօրաց անտի : Իսկ Թէոզորոս Պատրիարք չկարացեալ առնել ինչ առ ժամն առաքեաց 'ի Կոստանդինուպօլիս զչորովարտակն Սուլթան Մուստաֆայի նորոգել զայն յանուն